



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale, || In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

VI. Cùm attritio bona sit, & à Deo, an sufficiat peccatori ad
iustificatione[m].

urn:nbn:de:hbz:466:1-30362

Caput IIII. De Confessione

Quemcunque hunc in modum suorum poenitet peccatorum; licet non sit vehemens, siue intensus admodum, & per longum tempus durans dolor: attamen abunde sufficit, cum ex opere operantis, tum ex opere operato, ad gratiam consequendam. Confirmatur huius rei veritas ex Cap. Qualis de Poenitentia. Vbi dicitur: *Quantulumcunque & quantumlibet breui tempore gestam poenitentiam DEVS acceptat.*

Qui verò hac à nobis exposita contritione caret; etiam si à Sacerdote absoluitur: Fructum tamen Absolutionis nullum, neque etiam iustificationis gratiam obtinebit.

*Questio Cum attritio bona sit; & à DEO:
VI. nonne peccatori ad iustificationem sufficit?*

Respõsio. SCIO attritionem malam non esse, nec hominem facere hypocritam, maioremque peccatorem, (vt calumniantur hæretici) sed DEI donum esse, ac Spiritus sancti impulsus; præsertim si adsit spes veniæ, & peccandi voluntatem excludat: attamen ad iustificationem vsq; peccatorem non perducit sine Sacramento Poenitiæ; sed tantum ad DEI gratiam, in Sacramento Poenitiæ obtinendam, disponit.

Si itaque attritus desiderat obtinere gratiam re-

tiam remissionis peccatorum: necessarium est, vt attritio vertatur in contritionem. Fieri autem hoc potest duobus modis.

PRIOR E, si non modò Gehennæ metu; sed ex dilectione **DEI**, peccatum incipiat odissè. Ad iustificationem enim, si quid aliud maximè, requiritur charitas: Quemadmodum testatur Paulus; Si tradidero corpus meum ita vt ardeam; charitatem autem non habuero, nihil prodest &c. 1. Cor. 13.

POSTERIOR E, si attritioni, quam diximus, accedat Sacramentum Absolutionis, etiam in perfectam contritionem transibit; nec minoris erit efficacix, quàm contritio, cui adiunctum sit votum Confessionis.

Confessio informis cum Absolutione incipitne esse fructuosa, recedente fictione? **Quæstio VII.**

DVOBUS modis Confessio potest esse informis: Vno modo, vt sit repetenda: Altero modo, vt nō sit iteranda. Priori modo iteranda est, si pœnitens careat intentione se Clauibus Ecclesiæ subiiciendi, & Sacramentum Absolutionis percipiendi: Sed vel tantùm iocatur, vel etiam irridere studet. Hoc in casu à Diuino Confessionis præcepto nemo liberatur; cùm etiam Baptismus absq; intentione susceptus, nullus fit. **Respōsio.**